



**natron-hayat** d.o.o.  
MAGLAJ

PIB:218471430005; JIB: 4218471430005;

Broj rješenja o upisu u sudski registar 043-0- Reg-08-003433; Općinski sud Zenica Registar broj 43-01-0341-08

[www.natron-hayat.ba](http://www.natron-hayat.ba) Liješnica bb , 74250 Maglaj , Bosna i Hercegovina

ZIRAAT BANK BOSNIA:186 000 101 6418113; SPARKASSE BANKA:199 046 000 4119590; IK BANKA 1340600000012608

UNICREDIT BANKA:338 560 220 0830270; RAIFFEISEN BANKA BROJ:161 055 000 5880075

„Natron-Hayat“ d.o.o. Maglaj, na osnovu ukazane potrebe, dana 22.06.2018. godine oglašava

## JAVNI POZIV ZA ISKAZIVANJE INTERESOVANJA ZA PRUŽANJE UGOSTITELJSKIH USLUGA

### **PREDMET JAVNOG POZIVA**

Prikupljanje interesovanja potencijalnih ponuđača za pružanje ugostiteljskih usluga za potrebe „Natron-Hayat“ d.o.o. Maglaj, ( u daljem tekstu NH).

### **Podaci o naručiocu usluge**

Naziv: Natron- Hayat d.o.o., Maglaj

Adresa: Liješnica bb, 74250 Maglaj

Identifikacioni broj: 4218471430005

### **Period na koji se zaključuje ugovor**

Ugovor za pružanje ugostiteljskih usluga se zaključuje na period od 3 ( tri) godine sa mogućnošću produžavanja Ugovora na dodatni period od godinu dana.

### **Mjesto pružanja usluge**

Objekti u vlasništvu NH koji se daje pod zakup. Objekti se nalazi u krugu NH, a isporučilac je obavezan zakupljene objekte registrovati kao svoju izolovanu poslovnicu.

### **Vrijeme pružanja usluge**

Sve dane u godini.

### **Vrsta usluge**

- priprema i isporuka toplog obroka za radnike NH u režimu rada u tri smjene svaki dan,
- priprema i isporuka toplog obroka u sali za goste radnim danima u prvoj smjeni i u drugim terminima po potrebi i najavi iz NH,
- isporuka svećanih ručaka po potrebi i najavi iz NH,
- usluge šank sale za radnike NH i goste,
- ugostiteljske usluge po osnovu reprezentacije radnim danima (ponedjeljak-petak) od 07-17 h, a po potrebi i najavi iz NH i u drugim terminima.

### **Priprema i isporuka toplog obroka za radnike**

Ponuda jednog toplog obroka treba da sadrži kombinaciju (1+2+3+4+5)

1. Supa ili čorba, razne ( 200-250 ml),
2. Glavno jelo:  
meso ( junetina, piletina, puretina, jagnjetina, riba...) - 150-200 gr.  
+ prilog ( krompir, riža, tjestenina ili povrće) – 250-300 gr.
3. Hljev, 200-250 gr.
4. Razne vrste sezonske salate ili jogurt 100-180 gr.
5. Desert (kolači, baklave ili voće).

### **Priprema i isporuka toplog obroka u sali za goste**

Ponuda jednog toplog obroka u sali za goste treba da sadrži kombinaciju (1+2+3+4+5+6+7)

1. Supa ili čorba, razne ( 200-250 ml),
2. Predjelo, ( 50-100 gr. )
3. Glavno jelo:  
meso ( junetina, piletina, puretina, jagnjetina, riba...) - 150-200 gr.  
+ prilog ( krompir, riža, tjestenina ili povrće) – 250-300 gr
4. Pecivo, (200-250 gr.)
5. Razne vrste sezonske salate, (100-180 gr.)
6. Kolač,
7. Voće.

Specifikacija toplog obroka, namirnice koje se mogu koristiti za pripremu toplog obroka, način definisanja dnevnih/sedmičnih menija, način i termini kontrole postupka pripreme i distribucije hrane, način održavanja higijene pripadajuće restoranske i kuhinjske opreme i inventara, higijene radnika koji učestvuju u pripremi i distribuciji hrane bit će dostavljeni ponuđačima koji iskažu interesovanje i uđu u uži izbor.

### **Usluge šank sale za radnike NH i goste**

Ove usluge podrazumijevaju služenje kahve i bezalkoholnih pića za radnike NH (u vrijeme predviđeno za pauzu) i goste ili radnike drugih firmi koji obavljaju radove u NH.

### **Ugostiteljske usluge po osnovu reprezentacije**

Ove usluge podrazumijevaju dostavu kahve i bezalkoholnih pića po pozivu u kancelarije, radnim danima (ponedjeljak-petak) od 07-17 h, uz moguću najavu i u drugim terminima izvan navedenih.

### **USLOVI KOJE NH NUDI PONUĐAČU**

NH daje u zakup u krugu NH objekte, postojeću restoransku, kuhinjsku i kancelarijsku opremu i inventar, lokaciju za objekat kioska i dio hardverske opreme za elektronski način naplate toplog obroka putem elektronskih kartica.

Spisak objekata sa pripadajućom restoranskom, kuhinjskom i kancelarijskom opremom i inventarom koji je u vlasništvu NH, a koji se daje pod zakup dostavit će se ponuđačima koji uđu u uži izbor.

Ponuđačima koji uđu u uži izbor bit će omogućeno da posjete NH i steknu uvid o svim ponuđenim stavkama.

**Uslovi sa obavezama budućih ugovornih strana, zakupnina, struja, voda, grijanje i ostale komunalije, način plaćanja i dr. bit će precizirani Ugovorom.**

### **OBAVEZE PONUĐAČA**

1. Priprema i isporuka toplog obroka u skladu sa jelovnikom i normativima, a u režimu smjenskog rada u tri smjene za cca 900 radnika NH,
2. Isporuka toplog obroka u sali za goste radnim danima u prvoj smjeni (15-20 obroka dnevno), svečanih ručaka u sali za goste po potrebi i prethodnoj najavi iz NH, ugostiteljske usluge po osnovu reprezentacije,
3. Priprema hrane u svim fazama treba da se odvija u krugu fabrike u zato namjenski građenim prostorima,
4. Isporuka toplog obroka podrazumijeva isporuku za sve dane u godini, uključujući vikende, praznike, prilagođeno režimu rada i broju angažovanih po smjenama,
5. Isporuka toplog obroka za radnike podrazumijeva pružanje istih na dvije lokacije glavni restoran, restoran u objektu Kartonaže (restoran u objektu Kartonaže udaljen je od glavnog restorana cca 1,2 km asfaltnog puta) i pojedinačnu dostavu za izolovana radna mjesta,

6. Isporučka toplog obroka za izolovana radna mjesta, koja određuje uprava NH samo u iznimnim slučajevima kada zbog vrste posla nije moguće napustiti radno mjesto, u vrijeme predviđeno za topli obrok u namjenskoj ambalaži i dostavu shodno sanitarnim pravilima, a u ponudi i kvalitetu kao i za ostale radnike u tom danu,
7. Termini za isporuku toplog obroka za radnike utvrđuju se u skladu sa načinom rada,
8. Ponuda i kvalitet toplog obroka u svim smjenama moraju biti isti,
9. Ugostiteljske usluge po osnovu reprezentacije za goste (u tri zgrade koje su u neposrednoj blizini glavnog restorana po pozivu radnim danima od 7-17 sati, a po potrebi i najavi u drugim terminima),
10. Usluge šanka ( bez alkoholnih pića) u glavnom restoranu koji radnici koriste u pauzi za konzumiranje kahve, soka i sl. kao i radnici trećih lica angažovanih u NH,
11. Prodaja artikala na kiosku,
12. Pravila pružanja ugostiteljskih usluga trećim licima, koji su izvođači radova u NH, će biti regulisana Ugovorom,
13. Obezbijediti sve zakonske preduslove za legalno obavljanje navedene djelatnosti,
14. Osigurati prisustvo odgovarajućeg stručnog osoblja,
15. U kontinuitetu poštivati sve propisane normative (koji se usklađuju sa isporučiocem a odobravaju od strane NH), uslove, higijensko-tehničke mjere i ostale potrebne uslove za rad kuhinje, restorana, opreme i objekta,
16. Tekuće održavanje zakupljenog prostora, opreme i inventara, te obezbijediti inventar i opremu koja nedostaje za nesmetan proces pripreme i isporuke usluge, prema istom se odnositi sa pažnjom dobrog domaćina, te po isteku zakupa zakupodavcu predati isti u stanju u kome ih je i primio, uzimajući u obzir promjene koje nastaju usljed njegove redovne upotrebe,
17. Obezbijediti nedostajuću softversku i hardversku opremu za nesmetan elektronski način naplate toplog obroka,
18. U slučaju nemogućnosti isporuke toplog obroka ( popravke ili neke havarije kod isporučioaca ili naručioaca) osigurati zamjensko rješenje (suhi obrok),
19. U cilju obezbijedenja što adekvatnijih usluga isporuke obroka za radnike, kao i unapređenja pruženog nivoa kvaliteta obroka i usluga – kontinuirano razmatrati prijedloge Uprave i Sindikata NH,
20. Isporučilac je obavezan poštovati kućni red i ostale propise koji važe u NH,
21. Ponuđač nema pravo prijenosa svojih ugovorenih obaveza na druga pravna ili fizička lica niti može vršiti komercijalnu prodaju i cetering usluge za dislocirane kupce na komercijalnoj osnovi izvan kruga NH.

### **PRAVO SUDJELOVANJA**

Svoje interesovanje mogu izraziti sva pravna lica :

1. registrovana za obavljanje specijalizirane djelatnosti kantine: 56.29 ostale djelatnosti pripreme i usluživanja hrane,
2. koja posjeduju integrisan međunarodno priznat i ovjeren HACCP standard od akreditovane certifikacijske kuće, prednost je i posjedovanje ISO standarda,
3. sa prijavljenim radnicima odgovarajuće školske spreme i iskustva za pružanje usluga koje su predmet ponude.

### **SADRŽAJ PONUDE**

Ponuda interesovanja treba sadržavati:

1. Reference firme uz preporuke i kratak opisa Vašeg načina rada,
2. Broj radnika sa starosnom i kvalifikacionom strukturom koji po Vašem mišljenju mogu kvalitetno i na vrijeme pružiti sve tražene usluge,
3. Ovjerenu kopiju sudskog rješenja o registraciji,
4. Ovjerenu kopiju uvjerenje o poreskoj registraciji (ID broj),

5. Ovjerenu kopiju uvjerenja o registraciji obveznika poreza na dodatnu vrijednost ( PDV uvjerenje),

**Ukoliko ste zainteresovani za pružanje traženih usluga dostavite ponudu interesovanja lično ili putem pošte na adresu „Natron-Hayat“ d.o.o., Liješnica bb, 74250 Maglaj, Bosna i Hercegovina u zatvorenoj koverti sa naznakom: PONUDA INTERESOVANJA ZA PRUŽANJE UGOSTITELJSKIH USLUGA - NE OTVARAJ! Krajnji rok za iskazivanje interesovanja je 13.07.2018. godine.**

NH će na osnovu iskazanog interesovanja, dostavljenih referenci, predloženog broja stalno angažovanih radnika, opisa načina rada odlučiti koje potencijalne ponuđače će pozvati i uključiti u uži izbor za mogućeg ponuđača, vodeći računa da u uži krug ulaze potencijalni ponuđači koji su ispunili uslove predkvalifikacije za dostavu ponude sa traženim detaljima i **NUDE KOMPLETNU PROIZVODNJU HRANE U KRUGU DRUŠTVA NH.**

**Potencijalni ponuđači** koji su ispunili uslove predkvalifikacije i uđu u uži izbor bit će pozvani iz NH da dostave **sljedeću dokumentaciju:**

1. Cijenu toplog obroka po radniku,
2. Cijenu toplog obroka u sali za goste,
3. Dokaz – originalno uvjerenje o trenutnom broju zaposlenih ne starije od 30 dana od dana podnošenja prijave na konkurs,
4. Dokaz - potvrda od poslovne banke da žiro račun nije blokiran,
5. Dokaz - originalno uvjerenje o izmirenim obavezama po osnovu poreza i doprinosa, ne starije od 30 dana podnošenja prijave na konkurs,
6. Dokaz – originalno uvjerenje nadležnog suda kojim dokazuje da u krivičnom postupku nije izrečena pravosnažna presuda kojom je osuđen za krivična djela u privredi,
7. Dokaz – originalno uvjerenje nadležnog suda kojim se potvrđuje da nije pod stečajem niti je predmet stečajnog postupka, da nije predmet postupka likvidacije odnosno da nije u postupku obustavljanja poslovne djelatnosti,
8. Reference firme uz preporuke, sa potvrdom o uredno izvršenim ugovorima iz ugostiteljske djelatnosti.

**Rok za dostavu naprijed navedene dokumentacije je do 10.08.2018. godine.**

**Dokumentacija se dostavlja na isti način kao i ponuda o iskazivanju interesovanja.**

Potencijalni ponuđači koji ne ispoštuju definisani način iskazivanja interesovanja i dostavljana tražene dokumentacije neće biti uključeni u razmatranje.

„Natron-Hayat“ d.o.o. Maglaj zadržava pravo da ne prihvati niti jednu ponudu.

Sve informacije u vezi sa Javnim pozivom možete dobiti od lica koje je ovlašteno da vodi komunikaciju sa ponuđačima.

Ime i prezime: Jasna Hamidović

Telefon: 032/601-332

e-mail: jasna.hamidovic@natron-hayat.ba

**Maglaj, 19.06.2018.godine**

**Broj:R-75/18**

**Generalni Direktor  
Mehmet Eray Nasiz**